

Broj: 02-463-1/24

Datum: 12.03.2024.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), člana 21. Stav (1) tačka c) i člana 70. st. (1), (2), (3) i (6) Zakona o javnim nabavkama ("Službeni glasnik BiH", br. 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18 i 34/23), a na Preporuku Komisije za nabavku iz Zapisnika o ocjeni ponuda za "Nabavka usluge održavanja SCADA/EMS sistema" broj: T-NOSBIH-P-02/24, generalni direktor donosi:

ODLUKU O IZBORU NAJPOVOLJNIJEG PONUĐAČA

Član 1.

U skladu sa čl. 21. stav (1) tačka c), čl. 70. Zakona o javnim nabavkama i provedenom pregovaračkom postupku bez objavljivanja obavještenja, usvaja se Odluka o izboru najpovoljnijeg ponuđača za "Nabavka usluge održavanja SCADA/EMS sistema" broj: T-NOSBIH-P-02/24 od dobavljača **SIEMENS AKTIENGESELLSCHAFT OESTERREICH – PODRUŽNICA SARAJEVO** po ukupnoj cijeni od **199.987,56 KM** bez uključenog PDV-a.

Član 2.

Ova Odluka će se objaviti na web stranici NOSBiH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Član 3.

Ova odluka stupa na snagu danom donošenja.

Obrazloženje

Nezavisni operator sistema u Bosni i Hercegovini sa sjedištem u Sarajevu, ul. Hifzi Bjelevca br.17 (u daljem tekstu: Ugovorni organ) je u skladu sa članom 21. stav (1) tačka c) Zakona o javnim nabavkama ("Službeni glasnik BiH", br. 39/14 i 59/22) (u daljem tekstu: Zakon) sa ponuđačem Siemens Aktiengesellschaft Oesterreich – Podružnica Sarajevo (u daljem tekstu: Ponuđač) proveo pregovarački postupak bez objave obavještenja o nabavci za "Nabavka usluge održavanja SCADA/EMS sistema" broj: T-NOSBIH-P-02/24.

Ugovorni organ je na portalu javnih nabavki, 31.1.2024. godine objavio Tendersku dokumentaciju za fazu pretkvalifikacije u pregovaračkom postupku bez objave obavještenja o nabavci za "Nabavka usluge održavanja SCADA/EMS sistema" broj: T-NOSBIH-P-02/24 u okviru koje su u skladu sa članom 28. stav (2) Zakona unaprijed utvrđeni uslovi za kvalifikaciju. Ponuđač je u roku zadanom u okviru tenderske dokumentacije na protokol Ugovornog organa blagovremeno dostavio kvalifikacionu dokumentaciju.

Komisija za nabavke je utvrdila da je ponuđač Siemens Aktiengesellschaft Oesterreich – Podružnica Sarajevo ispunio sve kvalifikacione uslove utvrđene u tenderskoj dokumentaciji i s tim u vezi, u skladu sa članom 28. stav (2) Zakona, navedenom ponuđaču je omogućeno učestvovanje u daljem toku predmetnog postupka javne nabavke.

Ugovorni organ je na portalu javnih nabavki objavio Tendersku dokumentaciju za fazu dostave početne ponude. Ponuđač je u zadanom roku na protkol Ugovornog organa dostavio svoju početnu ponudu i u skladu sa članom 28. stav (6) Zakona stečen je osnov za pregovaranje. Pregovori sa ponuđačem su obavljeni u roku navedenom u tenderskoj dokumentaciji o čemu je sačinjen Zapisnik kojeg su potpisale obje strane nakon okončanih pregovora.

Nakon dostavljanje početne ponude i obavljenih pregovora u vezi tehničkih i ekonomskih aspekata ugovora sa ponuđačem Siemens Aktiengesellschaft Oesterreich – Podružnica Sarajevo, Ugovorni organ je na portalu javnih nabavki objavio Tendersku dokumentaciju za fazu dostave konačne ponude.

Ponuđač Siemens Aktiengesellschaft Oesterreich – Podružnica Sarajevo na adresu Ugovornog organa dostavio svoju konačnu ponudu u ukupnom iznosu od 199.987,56 KM. S obzirom na sve navedeno odlučeno je kao u članu 1. ove Odluke.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke



Generalni direktor
dr Nemanja Pandurević

Dostaviti :

- Ponuđaču Siemens Aktiengesellschaft Oesterreich – Podružnica Sarajevo
- Sektor za ekonomske poslove
- Sektor za pravne poslove
- a/a